

律

林蒨齋傳

林諭德尚默者閩人也將誕之夕父夢梁僧寶誌過其家因以誌名生四五歲秀穎異羣兒母以古文口授之卽能成誦十歲日記千言十四能屬文十八入郡庠讀書日數行下礪業無寒暑受易於翰林簡討王孟揚孟揚愛之爲之傾盡素好辯及冠師字之尚默服之終身早失怙奉母甚孝母有疾躬侍湯藥日夜不解帶命醫屢無効悔已不知醫於是治醫致効母卒號慟

幾絕喪葬之禮不以貧廢處宗族有恩族弟喜
幼爲異姓子攜歸育之以底成立尚默好飲飲
於知己竟日不醉否則數行卽止其爲人沈靜
不事表暴驟若落落難合久之款洽殊有意趣
爲文出入子史務絕陳腐從其游而居顯要者
湖廣叅政黃澤浙江按察使林碩監察御史陳
叔剛永樂辛卯福建鄉試明年禮部會試皆魁
多士廷試第一甲第二名賜進士及第授翰
林院編脩歷脩撰侍讀右春坊諭德兼翰林侍

讀階奉訓大夫預脩五經四書性理大全古今
名臣奏議郡國志書 一聖實錄兩爲京師考
官宣德二年五月疾卒年五十自號菴齋又號
見一居士

南郡楊溥曰以尚默行之高學之博文詞之善
三者足稱其官而收美名邈不得其年悲哉

林菴齋傳 終

三律以餘其官而外... 南... 具...

石倉十二代詩選

石倉十二代詩選

明詩卷之七十五

蔀齋集

大明

三山林 誌撰

後學曹學佺閱

題鄭驄馬小景

素練瀉碧落初日開華容朝廻忽矯首如對香
爐峯鏡覽心以化天遊趣應同恍然安坐頃白
簡遙生風習靜窺道妙願神混鴻濛何時離名
跡追躡煙霞蹤

烏臺春曉為項御史賦

白簡草奏歇清風
讌坐時庭鳥曉還
集府栢春仍滋候
吏已休沐青驄獨
歸遲時清事應簡
道在情自怡慨彼
鷹隼擊懷哉鸞鳳
儀流輝諒茲始初
日明前堦

挽貞義黃處士

長嘯宇宙濶恍然大
夢中誰爲不死者
倒影凌青空達生
竟何以卽此全其
冲一坏返丘首清
芬映無窮我懷軒
丘叟至今見遺蹤
千金惚不惜環堵
惟自容高情謝塵
俗雅道超鴻濛支
願忽蛻去逝水何
時東寂寞松下士
千秋宿草封生芻
莫不及灑淚來悲
風

夢桂軒

鬼魄晃璇宇天香
生桂林焚膏勸午
夜假寐青雲岑恍
值素霓侶舉芳共
幽尋咲贈一枝秋
紛葩燦黃金殷勤
啓仙錄慰以瑤華
音驚覺落塵寰靈
標瑩重襟以茲稽
古力獲契登龍心
得意捧泥書蜚英
重瓊琳神柳變褐
衣夢松感貂簪名
堂以燕翼知爾貽
謀深

居竹

蕭瑟玕琪圃參差瑜瑾林
羨君高隱處愛竹逾
南金肉食詎知旨聞韶諧至音
神交數竿綠富
埒渭川濤晴翠瑩素帙涼聲韻
瑤琴况茲冰玉
好抗俗在虛心

題陳簡討凌雲樓

碧落渺無際空濛灝氣浮
愛茲青雲近日夕接
高樓罨幔藹朝旭棲簷連素秋
平臨飛鳥道俯
映滄溟流鬢鬢豁軒牖吾伊散
林丘飄然與世
隔恍爾齊天遊嘯月折仙桂彈冠步瀛洲徘徊
蓬島上却憶鄉山陬觸石起膚寸因風重淹留
清時捧資日五采絢宸旒

秋夜病中口占寄黃大十兄

不過靜齋久夏徂秋復新夜來東林月如見齋
中人逸思澹碧漢高懷藹春雲耽詩竟成癖愛
客寧辭貧蚤識居岐子聲光動儒紳謂予不羈
者睠愛情尤真竭來抱餘瘵虛窗卧清塵衣冠
日相問骨肉誰其親念爾手足愛慰予丘山珍

如何鴻鴈夕涼風起青蘋不灑兒女淚悲來亦
盈巾安得上池水飲以刀圭神沈疴自茲脫長
咲飛崑崙

題林司訓畫山水圖

紫芹池雨香白雪琴心瑩石上尋片雲西山得
微徑松門天路虛花宇金潭映落葉飛晝涼垂
蘿結秋暝黃緣遠公社寄適陶潛詠三生了羣
迷一寂喻澄鏡誰云吾喪我應悟慧生定揭來
溜塵蹤悵阻青鞋興披圖逸思飄蒼茫海空迥

又

粉署見晴翠雲泉記昔遊青山隨短策綠水明
雙眸前路落花深春風巖洞幽問奇恣所適載
酒紆其憂懷哉素心人情因靈境投縈迴趣已
涉寂歷倦還休却咲荷篠徒放言慚大猷巢松
如可學名遂迺身謀

尚書庫部主事周君宗武得盛子昭二圖

屬余題詠

積水深不極扁舟信垂綸遙峰碧霽日遠樹清

瑩神潭影天鏡夕花香鳥雲春沿泗智者樂魚
鳥同光塵鼓枻情以紆直鈎意彌伸濠梁旣自
適川上寧迷津已達星漢槎仍攀滄海鱗披圖
結遐想浩蕩煙波新

送陳十二煒赴選北上

別思無遠近蒼茫與秋長都門木葉下念子朝
嚴裝何以駐征驂愁來倒離觴劃然憶聚散風
絮相飄揚世好托松蘿交深韻宮商十年芹泮
水風雨幾連床謁來客兩京歡娛歷星霜情傾

薄蒼漢氣合和春陽愧我蒲柳姿襲君蘭蕙芳
卧疴重愴別倏矣摧肝腸暫輟兒女仁桑弧在
四方金臺九天上矯首孤鸞翔期君陟清要蚤
沐恩波光

文會軒

曖曖停雲夕湛湛嘉樹陰欵門無俗吏燕坐皆
華簪媚此水成文愛茲風蒲林絃歌倚蘭意賡
唱瑤華音空谷縻白駒函丈羅青衿永諧金石
好持以歲寒心

題周選部山水圖

披圖紫薇署柱笏青山曉蓬瀛望超忽樓閣訝
縹渺天鏡一棹浮雲屏數峰繞滄洲宵無際赤
縣坐來小憑虛恍天遊翫化已心了懷哉安期
生汗漫扶桑表

丁未有事于園丘予同王魯二大學士錢

李二侍讀陳侍講六人齋宿春坊朝房

分韻得傍字

齋沐晤良宵虛明散紛鞅詩書混髣几星斗垂

珠網卧疴諧道心觀復了塵妄風鈴寂嚴警霜
漏徹清響忽聆玉塵談宵爾紫霞想起撥寒爐
灰燃燈咲相傍

夏谷幽亭

絕壑想長夏幽亭瞰層崖毫端水石妙鏡底風
泉來密暝結幄徑霽影清氛埃抗志匪嘉遯投
閒暫逢回靜言仁智樂默契心神開暢以陶令
絃無之阮生杯遺榮詎所尚繕性乃予諧

蘿逕吟筇

一雨鏡天夕亂藤潭影秋青山引飛杖霽景醒
吟眸拄斷落葉深行吟三逕幽石橋流水際欲
返還淹留懸榻知余心故人待滄洲商歌有真
意于以詠歸休

蘇登菊莊

別構依南山投閒忽成趣白露朝欲晞黃花滿
籬戶食英慨前脩采之恐遲暮頽齡如可延飲
水寧復顧苦無三逕資倦此歸來賦清風尚未
遐其以高山慕

彭將軍園亭讌集分韻得綠字

微雨散煩燠疎篁淨新綠南園步成趣野草怡
心目良晤當宴閒澄懷謝羈束醪香潤雜蘭餽
縷纖飛玉簷雲落甲衣歌鳥移絲竹慷慨異新
亭譎浪殊金谷達生返真素知足無殆辱願言
及芳辰榮名以爲勗

衣綉乘驄

藹藹花問道濛濛柳外堤雕鞍聯葆蓋歌管駐
金羈倏如風雨至空衢走塵泥借問避者誰東

來驄馬嘶馬上綉衣使青年氣如蜺春日荷載
陽百卉榮枯萸無俾使君歸桃李方成蹊

鷺鼻晴雲

石筍削金鷺浮空浴天鏡晴日澹朝暉孤雲相
掩映翳谷花欲冥穿崖鳥棲定流彩向君庭蓬
萊九霄迥

籌嶺朝陽

三峯屹東起初日見扶桑氤氳散五彩虛室生
晴光晞髮人不見空餘照寒岡流輝在蓬島雙

鳳碧梧香

樓前煙隴

昔人樓何許前山留其名煙霏散曉曠隴陌迴
春晴桑柘翠濤合禾麻綠藹生清謳擊壤世鼎
食况沾榮

松亭秋月

明月出滄海長空澹素秋愛君松亭上秉燭駐
芳遊孤舟袁尚渚尊酒元規樓何如連枝會玉
宇共承休

送重慶彭教授

謾唱陽關別寧辭蜀道難專城新教鐸百里舊
儒官山入烏蠻曙江臨白帝寒馮公遺直在清
響自屬揮彈

送江亞尹之太平

郎官應出宰佐邑豈辭卑天錫新恩寵人瞻舊
羽儀敬亭看晡暖平楚望參差公暇栽松處清
風日與期

送隱士黃聲玉

雙井秋陰合蓬門石逕斜殘陽吹過鳥疎雨落
閑花山帶垂青幔窓螢照碧紗不知林下客幾
度醉煙霞

天坡秀氣

冥攀絕頂遙俛視羣峰小彩翠望不窮懷人赤
城窈

龍陂桃浪

夜涼散雨聲曉霽澄天鏡春香送落花誰道仙
源迥

題楊學士白鶴山房

白鶴去不返，悵望青山空。茲峰自神異，佳氣時
葱葱。巨靈擘穴移星斗，帝遣六丁嚴衛守。石脉
春迴雲母凝，泉流香暖玻璃剖。佳城鬱鬱開其
陽，君家種德源何長。千金有地竟不惜，萬木垂
仁豈解忘賢孫。蚤負青雲器，嘗構山房倚空翠。
朝攀隴樹五粒枝，夜讀函經幾千字。疎林長夏
含蕭森，風動牕松四壁陰。浮雲偏護花間屐，流
水遙清澗底琴。拂衣笑爲蒼生起，移孝爲忠固

如此草詔金鑿聖，眷隆攄謨帷幄天。心喜賜歸
蓮炬玉堂深，閭闔岩巖北。斗臨蓼莪已抱終天
恨，葵藿惟傾向日心。披圖却憶南山下，蘿月蒼
蒼嶺猿夜萬壑。秋聲入夢多半簾，燈影孤吟罷
圓望。新阡宿草滋悠悠，霜露更淒其。馬封愁絕
千年閉鳳誥，欣驚五彩垂。種壁牛眠安在哉，惟
忠惟孝實栽培。題名今見瀧岡表，雙鶴爭看日
往來。

橋門別意圖送梁以康上舍

璧水瑩寒波殘光掛霜月驪歌已在門趣裝候
晨發歸心迢遞向樵川東咲揚帆意豁然日下
絲衣辭禁闕江頭晴雪醉離筵慈親白髮睽違
久此去登堂問安否華黍笙歌看壽章屠蘓盃
酌新年酒堂上春風咲語喧訊兒燈火幾寒溫
錦囊詩句憐心苦絳帳家聲喜業存以茲却負
青雲器擬把箕裘致身貴捧檄方知毛掾賢承
顏詎識歐生志蚤晚司成待薦書交遊復此嘆
離居丹青遙贈橋門別期爾西還早秣車

安陸黃將軍讀書好文靜樂溪山而得其
趣余友文學掾鄭公望嚮在安陸時時
與遊泊來北京爲繪此圖要余賦之余
觀社工部時交何將軍嘗爲賦山林十
律詩辭極意到至欲賣書結茅卜隣終
身世蓋有其樂也古今人豈相異哉余
故爲短歌行一章俾欲知鄭黃與處之
懿者於此考焉

將軍能武復能文靜愛溪山絕垢氛琴邊泉響

歷代詩選 明林尚默
漱碧玉衣上巖飛生片雲鑪峰鹿湖望超忽忽興
來但覺神飛越東渺滄溟數點螺西近蛾眉半
輪月有時忽得意款段出巖城松門猿磴興未
極刺船復繞滄洲行萬壑富詩境千巖供畫屏
胡麻山果長克具鮮鯽香芹總可羨金魚換酒
恣傾倒妙舞纖歌匪吾好山雨留賓尊不空石
床展席苔如掃廣文博士今杜陵文園多病懶
攀登愛卽東家日來往况有消愁酒似澗談玄
蘿逕秋共榻摘句鳧渚夜張燈英雄好士有如

此詩酒於已知何能丹青殷勤寫高誼咫尺妙
盡煙波意別後披圖逸思飄相逢却恨馬蹄遙
香艸次羅宗讓見寄韻以荅

故人別構離塵境花竹林塘亂窓影書暇尊開
桂席涼琴邊鶴唳荷衣冷交誼應憐我與君士
林誰不挹清芬神奇共摘澄江句浩蕩同披太
古文浮雲倏忽東西去余躡青霄爾玄霧聚首
寧無意氣投知心誰識平生語題緘寄我手自
開懷人忽憶登吹臺羈離抵道今猶昔膠漆空

談陳與雷思君不寐抵清曉月上高槐數星皎
賦罷停雲獨倚樓目斷螺峯天外小

古文送林叅議之廣東

紫薇粉署送仙郎千里傳宣渙汗香天上欲教
均雨露海壖應得識鸞鳳蕉花爽氣凝秋暝柳
葉清陰變夏涼遙想鳴琴多暇日寸心還繞九
霄長

奧如亭

南亭勝槩舊栖遲三徑陰陰葛蔓垂天籟每生

虛谷聽野心長與白雲期煙霞息影深成癖水
月通玄靜更宜別後玉堂清夢裏閒情還似故
山時

寄穆生景脩

蹉跎原是漢諸生載筆今來客兩京故國青山
空積夢舊遊白社總關情雲邊樹木陰晴色天
際河流日夜聲一片離心同落葉何由飄到粵

王城

和黃典籍早秋感懷

門掩高梧近御溝西山長對此心幽宦情況值
黃花晚客思偏驚白鴈秋咫尺月明千里隔一
丘雲卧幾時休詞垣青眼如君少遙寄新詩愧
莫頌

送江贊府之官太平

江南文獻擅家聲儒雅今來見魯生百里封侯
新佐治幾年郎署舊沾榮江開一鏡迎仙棹橋
落雙虹跨縣城却憶玄暉多藻句令人送別有
餘情

挽劉侍郎季篋

浮雲富貴百篇詩銀漢清冷曉映池長嘆浮丘
春夢覺何堪藏壑夜舟移升沈總付龍盤鏡事
業空垂馬鬣碑欲繡平原那可作黃金不用買
新絲

送建寧府副綱還開元

滄洲何處是神山支遁幽棲景象寬海日龍宮
三島近松濤溪雨半空寒不辭錫杖清遊遠爲
際人天勝會難此日承恩遙返鳥懸知雲鶴候

林巒

寄羅宗讓

十載驅馳向兩京
蹉跎衰病竟何成
青雲高興思前日
黃卷孤心愧後生
羨爾文雄能獨步
豁予交好更多情
尺書欲寄題頻懶
目斷江雲鳥外橫

題張御史山水圖

宦遊山水總關情
却憶丹霞是故城
雲母流香春島霽
芙蓉削翠晚峯晴
書窗海色看雲起
琴

逕桐華愛月明
幾度披圖結遐想
烏臺霜曉賦初成

寄侄達望

阿買今稱五馬良
蒨齡揮翰藻疑香
三奇何處尋珠樹
幾夜含情夢草堂
汝健步須凌汗漫
吾衰心已半滄浪
霜天角裏梅吹盡
片片遙飛別思長

鳧山別業

九華勝處是鳧山
山下林扉日不關
岐路緇塵

春夢遠石田芳草晚心閑孤琴曾取花前醉雙
屐應從竹外還玉署故人無限意丹青遙寄翠
微間

題龍江佳趣

江上薰風晝倚欄歸心江漲共漫漫雲邊濕草
三山暝雨外飛濤六月寒錦橈牙檣驚鷺起朱
簾綉戶映花看相逢琥珀千鍾醉誰論華簪與
鷓冠

羅氏叔侄三人同赴春闈宗本中進士榮

歸阮子繹出分教肇慶紋留太學予賦
此以送之無懷其兄宗讓兄弟昆季交
游之情畧見焉

金臺柳綠識春歸三月猶寒未換衣欲醉離顏
輕魯酒強摘愁賦向斜暉元方相憶懸銀漢阿
阮孤棲寄虎闌別後月明池上草懷君雙玉照
人輝

玉堂退直兀坐匏居屬羅從思肇慶之行
過予告別有懷楊廣文九齡先生口占

歷代詩選 明初詩選 卷七十五
奉寄情悉于辭

京華載筆喜逢春每見鶯花憶故人滄海宦情
孤鶴遠青瑣詩興數篇新隨羣匏落慙明世抱
病疎慵笑此身莫道煙波滯雙鯉龍門咫尺是
通津

白鴈

金河堤上羽毛分潔白應同鷗鷺羣橫度晚空
雲點點瑩涵曙月雪紛紛影從秋水沙頭沒聲
向寒蘆花外聞漢曲徒知異朱鴈那能傳扎報

明君

和黃檢討夏日卽事

涵江雲岫逗清暉久客應懷舊掩扉靜愛林僧
留夜坐醉邀詞客惜春歸文園卧病才偏藻魏
闕多情夢豈稀予亦支離同痼疾愁隨落葉向
秋飛

四明蔣端公陞湖廣僉憲過余告別余卧
病不能走餞口占以送

遙辭鳳闕五雲端南郡分臺屬豸冠楓樹到淮

歷代詩選 明初尚黜 十七
秋葉早江流人楚暮潮寒十年府署封章在千
里湖山攬轡看卧病思君無那別都門惆悵思
漫漫

後灣渡

清溪源發古靈山小渡縈迴出後灣竹徑暗通
流水入柴門常對落花關清時利涉居人少白
日空橫野艇閒記得舊遊曾買棹一篙春雨逐
鷗還

安德泉

日照飛流掛晚空匡廬瀑布宛相同輕煙暝處
看將斷落木寒邊聽不窮一派初如澄練合千
尋直與大溪通期君駐馬相攜翰莫羨銀河賦
獨工

宿延平城下

東南形勝據襟喉雄郡岩堯峙上流遠火人家
臨水夕寒潭夜氣逼人秋雲流片月過山閣風
帶殘更出戍樓此地由來多勝覽謾將詞賦寫
清遊

別百戶朱克成

霄漢年來寄此身承恩却許暫歸閩論詩最喜
逢知己對酒那堪別故人柳拂山城經暮雨花
飛驛路值殘春舊遊別後鰲峯月兩地相思夜
夜心

題畫山水

翠壁紅泉碧草晴看春載酒絕人行草玄應有
棲遲客鹿卧衡門畫不驚

畫菊為周編脩賦

采采金英白露團西風冷動一枝寒宦游無復
芳菲夢咲挹秋香畫裏看

題畫扇寄言若表弟

萬斛雄文載短舟當年赤壁賦清遊丹崖不盡
懷人想白露空江寫斷秋

山麓晴霞

鳳鰲深處列仙家巖雨新晴散曉霞二十年前
晞髮夢蒼蒼還繞綠蘿花

龍津春水

龍津春水

何年神劍逐龍飛
流水仙源去路微
却憶扁舟乘醉泛
桃花吹雨滿春衣

題羅汝文畫山水

十里雲屏枕黛流
史溪山水憶曾遊
煙霞謾寄滄洲趣
萬壑春聲入棹謳

寄心印上人

北遊杖錫喜雙飛
在世諸天諦日輝
近學孤雲慵出岫
曇花香雨滿春衣

夜泊小菡舟中

夢醒南風溪上舟
草香月色帶溪流
清麗不耐吟魂怯
誤記空簾半夜秋

石倉十二代詩選

明詩卷之七十五

終

羅覺非先生文集序

覺非先生三山人也稟清淑之氣富宏博之學
究極經籍探討子史故其作為詩文春容清俊
詳而不泛畧而不簡確乎其善者也撫郡太守
林侯元美余同榜進士蚤從先生游樞趨函丈
數年盡得其底蘊後以其所得於先生者蒞官
臨民政通民和間以其所錄覺非文集若序記
若贊若說若詩歌凡若干篇用刻梓以傳永久
俾余序之余惟昔者昌黎韓子有言曰天之於

今意卦時時空...

變顯南風...

時也以鳥鳴春以雷鳴夏以蟲鳴秋以風鳴冬
其於人也擇其善鳴者而假之鳴在唐虞臯陶
其善鳴者夔以韶鳴夏五子以歌鳴伊尹鳴殷
周公鳴周周衰孔子之徒鳴其聲大而遠厥後
莊周以荒唐之辭鳴楊朱墨翟田駢鄒衍輩以
術鳴迨唐陳子昂蘓源明元結李白杜甫皆以
其所能鳴孟東野始以其詩鳴蓋天將和其聲
而使鳴國家之盛邪由是觀之覺非先生其今
日之善鳴者歟林侯之刻斯集其表章師於儒
道亦有光矣覺非先生姓羅名泰字宗讓覺非
其別號故其文集題曰覺非焉

天順二年歲次戊寅春二月吉

賜進士亞中大夫四川布政使司左叅政臨川
吳昌衍書

覺非先生集序

終

吳昌初書

其限雖短其文素優曰覺非集
大雅之平遠效其質味一二日吉
其限雖短其文素優曰覺非集
其限雖短其文素優曰覺非集

石倉十二代詩選

明詩卷之七十六

三山羅泰著

覺非集

大明 後學曹學佺閱

洪僉憲山水

昔聞李太白讀書匡廬峯林卧諧清適仙游躡
高蹤有時誦聲歇野服披蒙茸虹橋緩孤影巖
雲遠相從白蛻落銀漢瀉破青芙蓉幽情靚物
化雅趣超鴻濛岡藪起麟鳳淵潭躍蛟龍蒼生
既有託謝屐莓苔封

白菜

澹薄不易守遂乃從其肥達人尚清節所志將
有爲幽軒面場圃種漑青離離鋤金豈肯顧抱
甕息凡機何由適素願雨暘恒及時條風曉初
度零露夕還滋奕葉翠綃剪白莖練帶垂盤殮
日供具度以無饑饑咬根有真味寧爲繁膾欺

挽湯廣文父

淒風吉水寒海色日光薄中天殞少微倏忽驚
摧落臨文悼若翁允哉古先覺志尹獨盤桓希

顏其自樂照乘懷魏珠連城隱荆璞至寶旣弗
售何以事琬琢流輝媚川淵種德高嵩嶽趨庭
有賢嗣大振芹宮鐸於焉敬亭峯肆情在丘壑
興盡賦歸歟故園景猶昨拂衣竟長往遠吊遼
城鶴山顏梁木壞斯道安所托穹碑太史銘哀
章俱館閣俛首企高蹤蘿月生虛幙石室夜迢
迢佳城雲漠漠楚此空悲涼九原人不作

題蘭二首

奇茁秘空林何人爲賞音謾紉湘水佩好寄杏

歷代詩選 明羅宗謙
壇琴軟翠新搖玉幽黃淺露金爲言層石畔榛
棘莫相侵

又

林館別來疎懷歸積歲餘始知君子操應與善
人居色染秋清後香饒雨霽初芳叢宜綺石佳
致復何如

次林尚默先生送別江西

合沙橋畔曉分袂惜餘秋征騎頻催發臨岐莫
暫留楚雲將別恨關月愜清游自笑身何似滄

江一葉秋

李判府五馬圖

黃堂時並駕紫陌事驅馳導從歸來晚僕官控
秣時騰身思渥水弄景憶瑤池西上還家日應
辭白玉羈

送林主事還京

卿曹郎職選青署列仙班暫捧全閩檄應從上
國還離心三島月歸思萬重山去去須回首榕
城杳藹間

送林尚嘿之沙陽

整旆龍臺曉分攜岳水濱扁舟應棄越百里又
之秦畫鷁愁中遠垂楊別後新杜門閑夕照孤
榻藹香塵鴻鵠寧無侶窮居固絕隣多君終我
顧在世有誰倫青草同心逸梅花入夢頻七峯
天外壁雙劍水南津望極徒增悵愁多不爲貧
橫經苦長夜坐井度芳辰餘澤留篷葦移光耀
縉紳爛雲開富域積雨藹東閩物候隨飛鳥歸
期老此身蘇門記橙橘張翰誤鱸葦迎旭樓前

月金鰲頂上春范張鷄黍在往事擬堪陳

題林自怡墨梅

闕下簪紳裔幽居寂不譁穿雲開竹逕遶屋種
梅花東閣吟仙宅西湖隱士家傾心同潦倒古
貌復槎牙春信傳芳萼寒光積素華露含珠蓓
蕾雪綻玉交加斗帳空香遠書幃片影斜終當
調鼎偶未許託葦葭卧對宮簷下行尋灞水涯
粧成誰復見詩在世仍誇驛路愁難寄羅浮夢
轉賒天風吹酒醒涼月上窗紗

歷代詩選 明羅宗謙 四
三山競秀

八郡皆鍾秀三山獨擅名俗沾常袞化地壯越
王城突兀龍腰曲逶迤鳳穴平薇垣千樹遶榕
市百花明左向鰲峯望斜通北界行九仙遺舊
跡千古寄佳聲烏石隣霄近青雲接地生盤廻
成委曲鼎立闢崢嶸此地饒清况當年集俊英
明公多勝覽書此報瑤京

雙劍交津

龍劍何年化芳名寄古津灘流交赴海風景藹
如春山遶孤城外橋分二水濱光芒射牛斗灝
氣接穹旻搜索應無物騰驤似有神天秋悲估
客月夜泣鮫人毓秀英靈在興賢泰運新延平
傳有自仲素道彌純形勝登輿籍文章動縉紳
重脩千古事輝煥耀全閩

雲谷春耕

幽棲雲谷叟千載紫陽翁耕隱名猶在真儒世
所宗農風移建水道化屬歐東早作乘春澤時
耕獲歲豐鳥聲芳樹裏人語暝煙中經界千畦

隔縈迴一水通
耨雲過別壟
餉草入深叢
濁酒呼隣共
新炊與客同
南陽憶諸葛
隴上候龐公
謾作遺安計
明當起卧龍

樵川夜月

涼月樵川夕
輝澄灑氣浮
岩堯百丈嶺
皎潔一輪秋
戍柝依城壘
星槎近斗牛
天高清露下
雲淨絳河流
夜渡聞方語
寒燈隱驛樓
千門聲寂寂
獨客思悠悠
謾作高唐賦
湏拚赤壁遊
一聲風外笛
孤棹鏡中舟
桂魄今宵滿
公車此日留

明當霄漢上
曾憶共清幽

送進士汪克紹

仙舟桂席懶聞歌
渭樹江雲柰別何
白社每同爲客飲
青山今日送君過
鷄聲候館人行早
月影蓬窗夜色多
洛下才華應久待
春風紫陌共鳴珂

寄弟宗本

連枝同氣不同芳
老大應憐各一方
靜夜碧窗惟有月
流年青鏡總成霜
陟岡見鴈和雲遠
藉

歷代詩選 明羅宗謙
酒消愁苦漏長遙想蘭臺春草夢覺來還似舊
池塘

題宿鴈

西風吹影下滄洲倦倚蘆花起暮愁極浦煙深
迷旅宿寒沙夜靜怯漁謳魂歸紫塞三更月夢
斷衡陽萬里秋却被隔江人喚醒一聲長笛倚
危樓

重過清冷臺訪玄峰上人次秦師舜韻

上方石逕隱巖扉東閣休文欲暮時散步謾隨
黃葉度頻來應愧白雲知空中花落看還寂竹
外茶香坐莫辭吟對清冷臺下夕西風扶醉獨
歸遲

題竹石

蔣逕秋高露未乾太湖崑畔曉光寒恍疑嶰谷
風前聽還憶瀟湘雨後看江海倦游嗟落籜溪
山清隱謾垂竿月明人去珂聲遠翠羽蕭蕭舞
鳳鸞

雙劍匣

雙龍久向匣中藏 一旦逢時自發揚 神物欲歸
滄海去 玉函深掩白波光 斗牛夜宿三更月 鎖
鑰秋開數尺霜 大手指揮塵不染 人間從此見
鋒鏑

丹青譜

客至東軒午罷經 典來猶喜翫丹青 只消半榻
開緇帙 何用千間列畫屏 楚水吳山秋歷歷 江
雲渭樹晚冥冥 古今人物皆陳迹 獨有漁翁傲
晚汀

石碁枰

琢破瓊瑤碧 蘚滋縱橫有路本無岐 朝回北闕
人閑處 書歇東軒客到時 幾度藤花和子落 一
庭梧影傍雲移 興來贏得山陰墅 國手如今已
見推

漁樵問答

弛薪投餌蹶蹉跎 共訝林泉逸趣多 釣澤遺蹤
今尚在 爛柯消息竟如何 空煙邃谷聞清唱 落
日澄潭發浩歌 白首功名誰可問 會稽山色渭

江波

題蓮塘雙鷺圖

倦倚春雲錦繡明
應憐鳧渚曉光清
綰衣雪映荷花淨
絲頂風微柳絮輕
雲水乍看疑鶴伴
江湖久別負鷗盟
會當飛上層霄去
好共鸕鷀逐隊行

寄林尚嘿

僊飄曉掛越江波
別思臨流可柰何
岐路每懷楊子泣
河梁愁絕李陵歌
翩翩去旆連蒼靄
寂寂

寂衡門掩碧蘿
故國片雲看漸遠
亂猿孤枕聽偏多
煙空劍水鳴榔入
月浦琅溪倚醉過
獨樹雨中分翠幄
七峰亭際藹青螺
論交未必無張邵
抱璞應憐有卞和
念子忽成經歲別
嗟予已覺半生訛
壯懷倚劍臨孤館
歸夢驚秋感露柯
征鴈影沈悲楚客
玉簫聲杳憶秦娥
集賢久擬開東閣
闔闔應知候曉珂
霄漢期君稱獨步
青氈寧復久蹉跎

寄編脩林尚嘿

昔曾夢入蓬萊景百合流雲翳天影瑤草春香
翠霧涼石室苔紋紫花冷羽衣仙子華陽君手
持玉塵揚清芬飲我丹霞嗽瓊液授我赤篆書
符文湏臾拂袖凌空去別鶴離鸞向煙霧西風
吹珮玉琳瑯舉首遙聞共天語天門樓闕參差
開九龍鬱結黃金臺神霄雨露一揮翰三十六
地皆風雷覺來捲幔南山曉壯心一點秋波皎
目蕩三神海上山迴看日下羣峯小

栢臺霜曉

天風吹寒烏府深乳鴉啼曙臺栢陰老枝巨榦
響靈籟翠虬乍舞蒼龍吟龍吟虬舞雲雷起玉
節金貂天上至白簡霜飛振八閩水壺水潔澄
千里臺高浩氣凌青霄山嶽迴看亦動搖巖林
無地隱豺虎郊原何處藏狐妖政成藻鑑空中
皎綉衣墮轡金門曉九重回首望閩關三山一
點青螺小

虞美人

朔風吹沙氊帳高漢軍四面皆楚歌拔山力盡

騅不逝虞兮顧此將如何君恩自此良難保血
濺秋霜眉黛鎖香魂不向陰陵歸滯魄寧依原
上草妾身托根生路傍妾心有恨天地長妾容
艸與同朽腐妾名終與同芬芳輕寒未歇方春
雨暗綠離披啼不語高秋欲度風怒號却憶當
年宵起舞行人過盡已斜暉馬蹄猶似將軍歸
深藏泣露暮虫響羞覩雙雙黃蝶飛

送李同府第省兄歸洛安

黃堂日暖春晝長夢來青草生池塘吟成遠值

惠連至珠璣咳唾紛餘香填篋輒奏諧宮羽剪
燭聯床幾風雨杜鵑啼上鵲鵲原一聲喚得春
歸去春歸去可柰何誰將棠棣重高歌柳枝乍
折桂枝遠牙檣掛席螺江波到家待問親應喜
回首難兄隔千里爲道官清不厭貧好聽香名
滿人耳

題連邑趙氏琴鶴軒讀書處

連川積秀如堆藍幽人卜築江之南園池數畝
襟花竹石徑九折羅松杉橫琴每對前賢語魚

躍鳶飛共容與吟影秋隨澗底雲書聲晚落林
間雨仙郎白雪和陽春孤琴隻鶴行相親謝安
展齒苔花滑杜陵詩句還清新寒夜多君能愛
客對酒長歌天地窄窗外梅花咲我狂玉壺擊
碎東方白

題趙景文山水

少年不慣睽離思學向林泉結清趣一朝假榻
螺江春幾度愁來愁欲死下帷應傍上人居天
花白晝生空虛石梁遙度進酒嶺浮屠俯瞰洪

塘衢東人念我多岑寂持橈夜泛前溪碧醉倚
澄潭月色涼謝端螺女空陳跡朝來更上妙峰
山岩崑絕嶺勞躋攀歸情默默戀飛鳥天人色
相心猶閑旅懷况值春多雨登臨盡日遙凝竚
野碓聲喧近水家錦鳩啼歇長洲樹束書蚤賦
歸去來青氈舊邇無諸臺幾年夢不度西浦石
門蘿逕饒蒼苔披圖却憶魯遊所風景不殊心
獨苦踏沙歸客晚牽舟斜煙落日無人渡

鳴鴈

曲逶行雲斷絃驚片月涼一聲關塞黑何處是
瀟湘

題王大尹山水

出洞雲猶濕沿溪路轉賒遙連潘令邑流水帶
桃花

白蓮

玉井峰高曙色寒仙娥環佩碧雲端鏡天冷漫
冰壺皎曾憶瑤池月下書

鄭大有山水扇

憶昔移舟上建溪亂山晴鳥望中迷一聲長嘯
天風冷百六灘頭月欲低

題雪梅月梅

五出花開六出飛空香積素共凝輝灞陵橋上
人如玉兩袖春風策蹇歸

又

流蘓帳小玉屏空畫角聲沈月正中春滿羅浮
清夢覺一枝疎影上房櫳

漫士山水

孤權澄潭野樹昏武陵深處是桃源玉堂僊客
多清暇醉染春雲憶故園

竹溪六逸

相從溪上作清遊萬頃琅玕六月秋名教浪傳
千載後衣冠贏得晉風流

石倉十二代詩選

明詩卷之七十七

旂山集

大明 侯官黃澤著
後學曹學佺閱

九日登鳳丘山

秋氣何淒清登高豁懷抱採菊簪白頭輕風落
烏帽故人隔層霄情深寡音耗欲往從之遊翅
短無由到林幽草青青川渺沙浩浩酬恩願衣
諸展轉思衰老孤鴈飛且鳴志豈在梁稻

題山中葉士晦忘適卷

太樸散已久淳風何時還智巧苦相斂機心寧
暫閑緬懷山中人方寸淡如水彼此兩忘情誰
譽亦誰毀讀書啓我篋食粟耕我田耕讀有真
樂優游年復年鵠版搜英髦牛刀試南海洋洋
絃誦聲放悲武城宰矩步倦追逐徘徊思故林
清時返初服款乃還山吟還山何所爲登臨適
其趣碧潭同淺深白鷗自來去草映鹿門綠花
沿盤谷紅斑爛列童冠舞袖回春風

幽居發長嘆

幽居發長嘆寒暑相推磨唐虞去我遠禍亂何
其多牧官造荼毒炮烙興朝歌廢政雜荆棘萬
民罹網羅怨詈豈容息戾氣傷天和彼蒼胡不
仁廢置難揣摩世道日跼踖涕泗空滂沱

卜築石鼓東

卜築石鼓東喜與塵寰隔我田廣且平鄉井同
稼穡年豐幸齊收輸官免催逼推餘厚所親稍
暇及賓客秋初風漸涼寒衣難驟得樵爨多辛
苦無使心悽惻此外更何求永言繼常德

歷代詩選

明黃集

又

卜築石鼓東眼界何清淑澗水橋下流羣峰如
削玉鋤雲種松苗護墻半新竹初月生夜涼書
聲出茅屋古嶺通衡山章林近盤谷三遷非擇
隣彼憚我拘束天意巧安排詒謀素心足

掃葉嘆

十月天氣肅四野何荒涼悲風撼林木木葉隨
飄揚壯士嘆時蹇病翁愁晝長呼童掃殘葉堆
彼園東墻

歸田歌

十五游上庠追琢慕韓柳弱冠取功名咲談別
親友風流直欲繼伊周富貴浮雲我何有文皇
臨御海宇清朝陽孤鳳雛雛鳴重瞳注意在方
面朱衣象簡叨光榮慶成金殿三陪宴龍光晃
日籠宮扇玉卣黃流次第斟彤墀韶舞尋常見
慈姆星沈寶婺光含哀扶襯上重岡狐丘土掩
生前玉墓表文揚歿後芳三年釋服朝昭聖隨
例仍叅召南政獻策曾承止輦看趨蹌詎識中

書令章帝徵賢拔舊臣春風整佩上楓宸
漸藩總政恩偏重龍誥褒親寵更新
奔喪復度梨關去先壠松楸動哀思
奪情視事十年餘其棠綠遍停車處
聖皇繼統文化隆少年才俊咸登庸
咲余衰朽更踈拙乞骸未許巢雲松
孤鴻孤飛未能止弋人機發深叢底
青天白日知我心詔許投簪歸故里
憶昨從政今白頭懶隨流俗談沈浮
百年遺愛被草木一生豪氣輕王侯
長期盡節報明主豈料不才今若此
別足徒傷獻璞

心回首西陵淚如雨

桐陰翫月

柴門半掩桐陰綠有客相過慰幽獨
咲談未已明月來對此成三飲醺醪
客云此月何皎哉誰將寶鏡懸層臺
蒼天碧海任流轉虛涵萬象無纖埃
憶從混沌初分日兩曜行空長不息
氣朔虛盈固自然相射那能無薄蝕
廣寒宮闕何嗟峨畫欄四面浮金波
吳剛斫桂鐵斧碎虬枝丹粟今猶多
虹橋隱隱天中起翠蓋曾到蟾宮裏

歷代詩選 明黃真何 四
羽衣霓裳清且妍五色雲階淨如洗白兔搗藥
丹未成玉杵丁東鳴不停謫仙騎鯨凌倒景空
江沈璧秋冥冥龍谿垂釣心長苦想接清光侍
明主返照終當及草茅未必今人不如古我聞
客論如懸河我酌我酒歌我歌明朝送爾登霄
漢我復韜光醉薜蘿

谿頭吟送鄧弘中上春官

溪頭水清浩浩甲第臨溪瞰官道玉壺美酒送
君行爲君咲整烏紗帽君思晴翻碧海濤潮頭

雪卷浪花高興來筆下龍蛇動誰數羣中有俊
髦冲融三禮當春試下璞逢時不終闕獻納新
承雨露恩飛騰大展雲霄志十里臺沙已壅金
九重望說作甘霖野人家任東山近日到谿頭
問好音

送鄉友劉宗綬應召之京

閩中八月天氣涼故人匹馬來河陽高堂設席
列冠蓋笙歌次第催行觴昔君與我居田里結
伴讀書卽知己三時蔬食共麩鹽兩榻寒氈同

起止池蓮庭草年復年仰鑽瞻忽心懸懸風流
耻逐今英俊歸索終期古聖賢閑時遣興揮篇
簡白日沈山不知晚老莊荀列文最奇看來總
是窺天管秋闈多士龍點晴海門一望銀濤清
揚鱗鼓鬣忽飛去千峰萬壑皆雷聲觀光再應
儀曹試筆下縱橫幾千字敷陳帝訓闡洪猷又
聽傳臚出丹陛大廷彩鳳鳴喈喈羣后謨明仍
彌諧范滂不攬澄清轡張綱焉用車輪埋因循
謬領專城寄苛冗紛紛如鼎沸滌蕩宜恢遠大

謀撫綏敢怠逡巡志君懷磊落君行良剴繁治
劇才偏長鄧林喬木聳霄漢大厦應需作棟梁
征驂南北勞行役翫月吟風間朝夕題緘幾度
託歸鴻雲樹蒼茫情不極殊方邂逅須暫留夜
深秉燭名園遊明當江上與君別別後相思空
白頭

題卧雪菴

桐廬山中人卜築依平麓號曰卧雪翁胸次清
如玉疎林和靖梅小圃淵明菊梅菊雖無情聊

以慰幽獨最愛嚴冬雪片飛剡溪孤棹人來稀
沈沈一枕華胥夢那識衰軀凍與饑覺時還擁
重衾睡萬壑千峰寒可畏自信鄉村興味長誰
知霄漢簪纓貴百歲蹉跎兩鬢華忽承恩詔賜
烏紗他年又擬天書到特表袁安處士家

正統辛酉二月九日在北京崇文西樓有

述時爲當道者所中就獄而出情見乎

辭

臺閣雲霄上蒼蒼日鑒臨莫張虞氏綱須辨漢

郎金臣道如絃直君恩若海深南歸返初服永
遂老農心

過臨清

孤帆五兩輕冒雨過臨清樹色迷昏晝虹光半
晦明棄繻空有志投筆竟何成關吏沙頭立無
煩問姓名

晚宿仙霞關

山路繞雲霞扳登日已斜水流黃葉澗林落紫
藤花行旅通三鎮居民有幾家炊煙寒不起獨

立數棲鴉

歸自紹興二首

離家兩月餘歸守舊田廬除地多栽竹垂綸少
得魚雨晴花落後日出鳥鳴初寂寞東山卧和
光懶著書

又

風塵游歷久天與老來閑去國長憂國還山少
出山人煙秋水外釣艇夕陽間不是無交接雲
深戶自關

南土其棠

召伯循行日棠陰淑景遲樹雖前代種人繫去
時思雨露常滋潤風霜不改移南閩諸父老馬
首向新詩

辛酉元日寫懷

旂山南望鬱蒼蒼十載經營綠埜莊耕讀自無
塵俗累釣游多在水雲鄉菊因秋去含霜老梅
近春來帶雪香寒暑催人頭易白惟須對景盡
瑤觴

舟次濟河留別湯總兵

論交與子最知音倚馬尊前索我吟秋水化龍
雷煥劍虛堂絳月伯牙琴雲霄已遂歸田願林
壑長懸戀闕心別後羽鱗何處問洞門閒掩薜
蘿陰

曉度梨嶺

路繞梨關萬木陰故園南望白雲深昔勞薇省
承宣力今遂旂山隱遁心孤鴈影隨殘月落疎
螢光逐曙星沈到家正及香醪熟三徑黃花半

醉吟

南歸

江湖蹤跡嘆浮萍恩許南歸髮已星蹇劣何須
干閣老支離終不愧山靈清秋獨鶴松頭立落
日孤峰海上青欲拂冰絃彈古調賞音人遠若
為聽

雨後晚步

柴門雨過稻花香獨步松陰趁晚涼上疏謫來
憐賈誼辭封歸去憶張良山中有豹藏深霧渭

歷代詩選 明黃鸝 九
曲何人釣夕陽昏黑莫行林外路參差草露濕
衣裳

山莊卽事

落職南歸逸興多倚雲閑唱伐檀歌新開池館
移松菊舊隱巖扉剪薜蘿細雨半坡黃犢草清
風一棹白鷗波林泉隔斷紅塵夢不識春城有
綺羅

梅花紙帳

誰搗霜藤換絳紗更將凍墨洒寒花剡溪人去

芳魂斷度嶺春歸別夢賒欹枕醉疑雲蕩漾擁
衾吟愛影橫斜清風不逐豪華盡流落山林處
士家

過錢清渡

孤舟隨伴過錢清東望稽山感客情蒼蘚斷碑
神禹廟斜陽荒草越王城數莖白髮其衰朽萬
里青雲愧聖明幸有棠陰遺惠在居人還誦使
君心

甲子秋山莊寫懷

龍溪別墅隔塵氛清曉開窗掃白雲得酒暫同
隣叟飲採芝時與野人分風來桂子空中落雨
過泉聲樹杪聞自咲支離知己少祗應猿鶴日
爲羣

題岳陽樓圖

昔泛扁舟過洞庭高樓獨上敞雲屏連天楚水
鷗邊白隔岸湘山鳥外青往事蹉跎仙枕夢流
年疎冷少微星紫泥早晚徵遺逸霖雨功成若
建瓴

巳巳盜息還山

野人卜築近桃源倉卒攜書出故園隣邑風塵
隨處起深林煙火幾家存正愁戎角翻悲調忽
喜征衣洗血痕綠樹陰中丹荔熟諸孫擁帚候
柴門

葛川仙跡

盤松偃蹇老龍形下覆仙翁煉藥亭火候漸消
灰候冷苔痕半沒履痕青誰云弱水環瑤島未
必藍橋隔錦屏自有朝天雙鳥在懶隨鸞鶴上

蒼冥

晴峰瞰海

天台山水最清幽
文筆峰高逼斗牛
日出漸通仙洞曉
雲開遙見海門秋
陶潛幸遂歸田願
賈誼長懷報主憂
幾欲褰衣登絕頂
飄然直與赤松遊

山莊夏日

乞骸那許暫歸田
何事投閑十二年
孤蹇不諧多士意
退休宜在衆人先
傭書空擲班超筆
敵

愾誰揚祖逖
鞭荔子香清
雲氣冷聊閑
枕簟北窗眠

乙亥八日

石仙潭下買荒原
綠麓周圍十畝園
竹塢疎籬新院落
桃花流水舊溪源
青山對酒晴移席
綠樹垂陰晝掩門
浮世纖塵飛不到
此中真意自忘言

野齋小隱

先生家在鼓山陰
喬木蒼蒼一徑深
飛鳥戀巢

歷代詩選 明黃鶴仙
如有跡浮雲出洞本無心秋風黃菊杯中酒夜
月倚蘭膝上琴盤谷豹林人去遠尚留清趣到
于今

翠微書屋

翠微深處結茅廬時有幽人此讀書萬壑松陰
春霧濕半簾花影午窗虛彩毫興到頻揮灑蠹
簡閑來暫卷舒何事謝安高卧久山林元與市
朝疎

答姑蘓陳少保

懶賦皇華策使驂幸隨樵牧老江南染絲補袞
非無術懷刺投人自不堪曉雨綠蕪林外路晚
風疎竹雪中菴斯文故舊如相問田野遺民七
十三

橫浦漁舟

龍江水與海潮通一葉扁舟白髮翁生計有常
隨厚薄浮蹤無定任西東飄蕭箬笠偏宜雨蕩
漾蒲帆穩駕風唱罷滄浪人不見陶然醉卧月
明中

山中景

悠悠川上雲光映空林
白杖屨何處來柴門閉
秋色

病起

微月映窗明魂清夢不成
起來階下坐蟋蟀向
人鳴

滯雨

山居坐寂寥悠然起遐想
故人何日來林外雨
聲響

池蓮

人愛池上花我愛花間子
子中生意多種之蒲
洲渚

歸田趣

高卧隆中愧孔明成都賣卜
笑君平一從落職
南歸後足跡經年不到城

其二

雅愛旂山景物清罷官旋覺
此身輕盤陀石下
泉偏冷咲倚東風一濯纓

其三

秋郊露冷百虫鳴門掩空山夜氣清寶鼎香消
人未寢白雲樓上讀書聲

其四

門前積雪未全消坐擁青氈咲寂寥聞說梅花
春信早冒寒扶杖過溪橋

舊帽服帶

四朝宣政舊衣裳慣上金門進奏章林下不堪
開寶篋開時飄動御爐香

旂山春曉

解綬歸來學種田小窗日晏枕書眠黃鶯似識
幽棲意長向花間奏管絃

正統己巳秋大駕北巡扈從官兵二十餘
萬同時階沒廊王卽位以尚書胡濙等
爲三孤餘各陞官有差感賦

鑾輿遠冒北風寒誰遣王倫一問安可嘆兩京
諸宦達不知何事盡遷官

題蘭

歷代詩選 明黃夢仙
洛城紅紫委蒼苔九畹秋華帶露開試拂龍唇
彈一曲許多香氣袖中來

石倉十二代詩選

明詩卷之七十七 終

義溪世槁小序

陳棖字叔剛以字行登永樂辛丑進士預修

三廟實錄改翰林修撰陞侍讀克經筵講官

歸省卒于家有網齋集十卷門人錢文通公溥

序之稱其詩冲和瞻麗各極其體之妙而文則

紆徐典雅如正人端士動循矩矱有德者之言

也弟棖子煇字子煇天順庚辰進士

棖字叔紹亦以字行正統進士第拜監察御史

出按應天諸郡嚴明剛重爲時所稱終湖廣按

毅齋集 毅字文耀網齋家子也天順庚辰進士拜監察

御史督北畿學政以嚴肅稱陞江西按察副使

歷右布政銓曹屢薦為都御史不果既卒轉浙

江左布政彭惠安公韶誌其墓謂其靜重整暇

有澄清四海之志文章典雅妙翰墨善吟詠片

言隻字人寶惜之

終

石倉十二代詩選

明詩卷之七十八

網齋集

大明

閩縣陳叔剛著

後學曹學佺閱

題金臺宴集

彈冠別鄉井欣然際時康都門集簪組展席開
華堂笑談屏聲伎貴介辭金張怡怡桑梓會藹
藹情好長維時屬冬序朔雪飄天芳列坐不惜

醉獻酬亂飛觴酒酣發長歌餘音遶雲梁壯志
遂孤矢青年俱奮揚安能守閭巷刺刺兒女行

心遠亭

幽興在南山何須遠城郭閉日謝喧囂冥心寄
寥廓簷楹多白雲杳靄生林薄日出羣峰明巖
傾百泉落況乃濯塵纓投閒事耕鑿機忘沙上
鷗趣愜松間鶴亦有柴桑人來同林下酌始信
昇平時煙霞有餘樂

送陳進士徽仲歸三山

挾策獻閭闔光輝垂萬言況茲恩寵優得以榮
鄉園白日照錦衣翩翩出都門良辰集冠蓋出
祖開華樽谷鳥韻繁絃林花吐晴暄傾杯未及
醉僕御戒行軒知君登臨興客路風光繁適意
無久留高堂人倚門

耕讀軒

屏迹謝紛擾幽居帶川原蕭然無餘蓄竹素開
南軒新雨隴頭綠晨興啓柴門抱鋤薤荒翳聊
以護苗根息勞憇古木散帙披羣言古今數千
載起伏一何繁殘編未了了暝色集墟村坂草
飯黃犢栖禽驚復喧歸休茅簷下列坐共兒孫

歷代詩選 明陳叔同
曷以慰渴飢濁酒盈芳樽優游此卒歲干祿非
所論

題耕樂軒卷

溪田無旱澇里居復亢爽耕作勤朝昏耨耘辭
鹵莽草豐牛犢肥壤沃桑麻長西城幸有秋隣
舍互來往卒歲既無虞濁醪時共享怡然農圃
談閒卽成幽賞悠悠天壤間豈復慚俯仰

爲謝良翰題玉山草堂

衆壑結蒼翠一峰凌紫雲傳云昔達人於此避
垢氛山空無鶴馭石老空苔紋之子構草堂長
年慕清芬松風夜謾謾蘿月秋紛紛種木緣古
崖翻書落香芸門無俗客到榻許山人分茲晨
鴿鶚薦遠謝麋鹿羣爲赴蒼生期奚慚北山文
公餘睇舊隱雲氣還氤氳

題菊庄卷送鮑先生歸安成

幽居屏紛豔眷此岑菊妍風霜正高寒粲粲黃
金錢寒芳稱隱心掇英制頽年昔仕非不榮今
還操彌堅傍舍送濁醪日入同醉眠白雲南山

歷代詩選 明陳林
來此意俱悠然遠與玩物初冥心希昔賢願此
晚節生白髮任垂肩

爲候縣丞題山水圖

危峰海上來蒼然數千里倏值靈氣鍾雲屏望
中峙崖傾泉影明谷靜天聲起似有仙人居樓
臺翠微裏霞想結空濃塵心濯流水三秀知幾
何丹丘此中是我憶南宮人翩然蛻泥滓別墅
黃山秋柴桑宛相似歸期石上同野酌松邊喜
引睇東南雲緘情寄雙鯉

松坂清逸

亭亭萬松林別構僅容膝席陰無冬春簾翠自
朝夕主人愛松風靜聽意自適清吟到夜分明
月在巾舄是非曠不聞煙霞已成癖我有小山
謠期君謝閒逸黃鶴遊青冥汗漫不可卽

題雲臥山房卷

養疴臥空林白雲在幽墅一片澹悠揚相看若
儔侶度溪鷗外閒濕雨簷間聚欹枕契無心席
陰對忘語有時松飈吹長空忽輕舉恐爲他山

留掀簾重延佇

爲李司訓題松竹圖

雙松有古意傲兀歲華永根摩崖石堅翠拂雲
泉泠長風振濤音華月度皎影泮上咏歸餘閒
清契弘景

題琴樂卷

誰鑿爨下桐具此絃上音悠然資至樂況乃禁
邪心拂几奏流水清風滌煩襟鍾期去已遠此
意猶在今名軒日相娛琮重若璆琳遙知徽軫

外此樂還復深

題香九老圖

鑿翠開香山梯巖架石樓旣忻功業成遂卜林
泉幽解帶依遠松濯纓臨清流灘鳴八節水雲
度羣峰秋昔當元和時屢進忠讜謀側聞移病
後白雲已盈頭醉吟喜自適山水足夷猶況逢
諸老翁良時同退休命觴愛傾倒取樂諧唱酬
共保龜鶴齡寧隨麋鹿遊高名宇宙間陳迹委
榛丘丹書幸可托撫卷仰前修

分水關

名關控東南，屹立翠微表。遠吞吳越雄，俯視甌
閩小。綠蘿霧關門，洞口徹昏曉。大道抗浮雲，征
車出飛鳥。行行望故山，蒼翠猶未了。試問出關
者，棄繻今多少。

賦得蒲鞭送鄭希玉出守寧波

鞭朴古教刑，豈必傷膚肌。末流恣慘酷，尋常視
瘡痍。卓哉南陽守，編蒲以代之。責過示恥辱，安
用箠楚爲微物。不盈握仁風，浩無涯。餘馨播青
史，百世猶可師。使君領郡符，出牧東海隅。臨民
慎推恕，前修以爲期。

分得瘦字送黃郎中歸南京

晴雪天始寒，離筵醉長夜。百壺未盡傾，雙驂已
晨駕。前林多暝色，條爾陽光射。輪蹄破餘靄，欲
發還驚訝。豈不眷舊遊，嚴程少餘暇。雲山幾萬
重，日極成悲咤。欲識別後懷，微鍾白門下。

賦得平陽懷古送鮑參議之任山西

河山空表裏，今古稱名區。霸圖隆晉業，民俗自

堯都土型啓儉嗇衣裳化恬愉陵谷有變遷神
功永涵濡至今千載下不與往昔殊君行佐雄
藩覽轡發長途繭絲謝紛擾惠澤恒覃敷訪古
增感慨觀風緩馳驅登高應有賦寧愧古大夫
爲潘惟深題松陰獨坐圖
盤石翳懸蘿飛流下層巘抱琴何處來心與孤
雲遠衆鳥天際還林光澹將晚爲愛松風清坐
來不知返

題獨善齋詩卷

投老返齋居辭榮息羣慮閉門寡儔侶聊以欣
暇豫琴冊於我親江山足詩助有時攜短筇獨
往舊遊處林端倦鳥還溪上閒雲去適意恒自
知悠悠向誰語

諸友夜集得光字

燭短易見跂情多須盡觴濁醪豈足念所愛春
夜良旣蒙春顧惠又在金玉章情文發葩藻蓬
筭餘輝光顧慚瓦爍几泰綴珠玉傍願言久遠
好毋替茲夕長

歷代詩選 明陳詩
送林尚敬下第歸三山

世人重得志忻戚在須臾寧知齊王瑟不博王
門竿一鼓不見賞歛容辭帝都卷舒若浮雲何
必增煩吁出門望故山綿邈萬里途片帆掛春
雨秋水肥江鱸軒裳非不榮綵衣足懽娛朱絃
實更張勿謂知音無

賦得梅林送歐陽廣哲之河南僉憲

浮光梅林今有無崇岡複磴尚縈紆長淮襟帶
列巨屏蚌港控扼稱名區何年此地花千樹萬

斛飄香歲將暮雪暗渾疑庾嶺巔月明却訝羅
浮路托根曾是老風霜名表山中歲月長中州
形勝推巖邑穎蔡河山接近疆栢臺憲節舉惟
日絃詞洋洋藹千室鐵石無遺作賦材甄陶好
採調羹實況君文采當代奇登高弔古應能詩
公餘驛使如相遇寄我煩君折一枝

送盧質中分教韶州

逢君瀟江船西風白雁新涼天送君薊門道殘
雪初消春信早浮雲聚少散還多握手臨岐別

奈何解貂醉我壚頭酒擊筑爲君席上歌君才
浩若春江水肯學腐儒老桑梓千人奪雋邠詵
賢百里鳴琴魯恭治美錦初裁奈數奇幾年流
落怨江離心將往事如春夢髮逐流年換素絲
竭來鸚鵡剡辭丘壑何限香名動寥廓吐論應披
錦繡胸承恩又振韶陽鐸秣馬匆匆向我辭御
河冰泮正流澌柳條霜脆未堪折笑解吳鉤贈
別離扁舟此去經淮楚梅嶺天高限南土斷碑
芳草曲江詞落日青山武溪渡弔古憑高休慨
天無雁翔

江南曲送周員外歸廬陵

江南路出長干口萬井千村種花柳華髮僊郎
錦作衣畫船槳鼓逐潮歸莫言慣識江南道一
度經過一回好岬上樓臺臨水開吳姬白苧曲
新裁商人棄金如棄土百萬壚頭換歌舞香飯
炊粳食有魚家家無事但閒居江南風景良不
惡不是少年行亦樂請君後夜泊舟時更聽吳

見唱竹枝

賦得黃鶴樓送林嘉亨之岳州通判

黃鶴高飛度瀛海青山閒掩危樓在樓上年年
鶴雀飛黃鶴不歸今幾載畫棟峨峨入碧空四
時雲霧鎖簾櫳銀濤洶湧江聲遠夢澤蒼茫楚
望窮隔波樹色漢陽渡芳草洲空禰衡墓百年
詞賦未淒涼兩岬江山尚如故千里之官賦勝
遊樓前訪古暫維舟登高不用多留詠崔顥詩
成在上頭

帶湘樓

雁峰飛飲平湖水喬木千章隱珂里阿誰樓上
構樓居自是元龍舊孫子百尺平臨萬頃秋雲
光霞彩湛悠悠柳條掩映鳧鷖集螺黛參差島
嶼浮主人心賞起塵境盡日凭欄學清隱一榻
芸香散帙餘半窗月色鈎簾近暫赴天書便乞
歸肯將簪紱換荷衣機心自信渾忘却鷗鷺相
看總不飛星星秋髮流年晚物表高居迹尤遠
蝶夢俄驚地下醒鶴化何年樓上返度閣牙籤

手澤留後人重此業弓裘登樓每動高山仰酒
泪長沾宿草秋舊家文獻今如昔合族比隣盡
逢掖拂雲高扁儼若新客至壺觴更終夕笑予
水木忝同源固始南來幾葉蕃千年譜牒猶聯
系十載萍蹤未款門德星燁燁層樓上永夜相
望發惆悵扁舟何日繫湖灣爛醉樓頭續漁唱
春日同諸公登烏石山飲天香巖分韻得

衆字

十年客裏鄉山夢此日山前駐飛鞚展步寧論

磴道危芳遊最喜簪纓衆老衲供茶出寺門廣
文飲客開銀甕臺上天香作雨飄花間好鳥知
時哢半空寶塔入煙雲十里臺江橫蟠竦風光
入眼塵慮清觴酌催人語聲哄捫蘿更陟凌霄
巔訪古還探宿猿洞摩巖細辨舊題名苔封篆
古難成諷酒闌起舞興轉酣懊憾夕陽飛鳥送
歸來城市已昏鐘明日塵蹤衍倥偬

神景禪林

樓閣中天起名山隱大千曇花春作雨貝葉暝

生煙松冷僧歸定庭空鳥悟禪洪祈栖隱近知
爾謝塵緣

鳳凰仙島

羽駕來何代仙丘號鳳凰竹椽枝不實丹竈草
生香往事餘陳迹空山半夕陽卜居殊未遂引
睇遠相望

禹穴煙霞

神穴流傳久煙霞杳靄間靈蹤迷近遠洞府隔
塵寰曉結松邊暝晴依鳥外閒平生懷古意何

日一躋攀

剡曲扁舟

大雪漫溪路良宵返棹時故人無宿約幽興有
誰知岬澗青山在波搖白鳥移年年放船者誰
復古襟期

題漁樂卷

鳴榔惟取樂罷釣懶維舟淺水黃蘆外涼風野
渡頭醉來閒棹月歌起不驚鷗時約乘槎侶同
爲汗漫遊

次陳通守舟發臨清至直沽韻

衛河東去遠今古是安流
小店沙邊市連橋
外舟幸聯文酒會稍解別離憂
薄暮雲帆發真成汗漫遊

又

析木城邊泊浮萍
客裏身夜聲潮赴海巖色草
迷津望闕欣天近推篷見月新
勝遊殊未倦況與故人親

挽陳簡討嗣初

艤棹吳門日驚逢屬纊時
懷人空有淚晤語更無期
落月留塵榻淒風起總帷
案頭遺藁在讀罷不勝悲

題百牛圖

華山歸牧後南畝釋耕時
大地郊原衍方春水
草宜功成無秬載力剩向驅馳飲澗遙呼犢維
羣亂度陂烟簑橫背臥風笛隔林吹孳息欣咸
若甄陶曠莫涯融融和氣洽藹藹物情怡漢喘
休勞問商歌謾自悲戴嵩能貌古班特浪傳疑

歷代詩選 明陳叔純 十三
展卷懷周澤涵濡宛在茲

題雲深讀書處

卜居靜愛鉢池山山下雲深一徑閒
萬卷圖書連几案九街車馬隔塵寰
茶煙暝出空濛表燈火宵分杳靄間
有客問奇常載酒林扉盡日不須關

題竹林七賢

河內衣冠勝會同竹林高興自無窮
野橋翠滴諸山雨石几涼生六月風
身外功名爭似酒閒

中歲月任飛蓬可憐遺跡銷沉後
錯把丹書付畫工

磐溪漁唱

水遶雲屏似武溪漁郎清唱夕陽時
聲兼淺瀨風初急曲度遙林月漸移
楚調變來多款乃江謳何處轉參差
夜深醉倚孤篷聽絕勝吳儂怨竹枝

西嶺樵歌

西嶺斜日下巖阿伐木聲停聽浩歌
出谷漸隨

春鳥緩度林還逐晚風多買臣不用干軒冕王
質虛傳爛斧柯歸去賣薪時取醉山中此樂復
如何

壺山歸隱

解官歸隱舊壺山往事浮雲夢亦閒花徑雨餘
春自足柴門地僻晝常關問奇時有隣翁到采
藥長隨倦鳥還謾與野鷗深結社鶴書朝夕赴
林間

越阜秋雲

仙丘西畔越山微幾片閒雲出岫飛宿寺遠隨
僧入定巢松還帶鶴來歸暝兼秋色移丹島淡
掃霞光幻白衣天上從龍長作雨迴看倦鳥思
依依

石橋歸牧

達人歸築碧山阿細柳橋西牧子多流水半村
松外笛平原數畝雨中簑維魚入夢無飢窘芳
草如茵任寢訛北上鵬程猶萬里虛敲白石和
高歌

送陳叅議彝訓歸永豐

朱衣赤帶衆稱宜歸去鄉園鬢似絲詞翰久爲
黃閣重姓名今許白鷗知清泉綠樹行吟處倦
鳥閒雲坐對時林下日長多故老短筇相過有
佳期

送許中書謝病歸吉水

微霜落葉度關河此去文園臥薜蘿雙闕恩光
辭鳳沼一天秋色醉驪歌菊松別墅將心遠霄
漢新知入夢多莫與野鷗盟太早更期南陌共

鳴珂

送陳履中還任淳安

京國相逢凡幾迴紅顏漸覺鬢相催一生未改
心如水千里臨分酒滿杯驛樹蟬聲將暑去關
河雁影帶秋來客途有景多畱咏母惜銀箋倚
醉裁

送陳太守之任延安

白雲分署久爲郎千里分符荷寵光雙珮日邊
辭魏闕千山馬上入秦疆專城近塞塵沙靜露

冕行春野樹蒼
問俗想應勤
勸課閭閻處處樂
農桑

送游通判之任荊州

璫林疇昔共簪花
京國重逢鬢欲華
巴郡幾年稱別駕
荆門此日又移家
雨中獨樹淮山近
鳥外斜陽夢澤賒
粉署才名人共識
未應畱滯在天涯

送黃太守考績歸饒州

領郡曾聞政績殊
奏功今見上皇都
二年秩滿

仍分竹千里
刑清不用蒲野水
片帆隨落雁
秋風一騎度平蕪
官居料得多清致
山色湖光似畫圖

房村霜樹

房村山遶呂梁洪
驛樹迎霜望漸空
濃翠不遮僧寺月
踈枝猶拂酒旗風
葉飛片片長河上
影落蕭蕭夕照中
到此推蓬吟眺久
遙知宋玉賦偏工

泗亭落照

芒碭英雄幾劫灰
泗亭斜日下荒臺
水聲已帶餘光落
山色猶迎返照來
門外孤烟人語靜
林端初暝鳥飛迴
仙舟際此應停棹
弔古憑君作賦才

五月五日同僉憲別駕二宗長御史審理
二林昆季吳判簿盛訓科遊姑蘇虎丘

寺次僉憲韻

赴闕同登瀟水舟
停橈共過闔閭丘
雲隨殿閣疑天近
江擁吳淞入海流
石上逢僧松影落
池

邊訪古劒光浮
別筵況有登高賦
牢落偏消客路愁

附陳振 字叔紹

姑孰十詠效李翰林

清溪何迢迢
奔流繞城曲
人家樓閣臨
賈客帆檣宿
雙虹波上橫
千樹峰邊綠
觀風沂空明
悠悠濯心目

右姑孰溪

積水涵太虛
一望何瀾瀾
風濶漾輕縠
霞光映文綺
遙山鳥外橫
孤棹沙邊艤
漁家夜語聲
深

在蘆花裏

右丹陽湖

玄暉何處去青山宛如昔廢宅蔓草深荒井莓

苔積旁有謫仙墳藤蘿亦蒙密詩名兩暉映清

風振崖石

右謝公宅

臺廢已無蹤臺名在人耳大江天際來疊嶂雲

邊起空見梵王宮占斷黃山趾舊碑何處尋塔

影秋空裏

右凌歊臺

井水本湛然人也一沾汗遂令千載名滌去還

如故荒鴛翳春苔寒虫泣秋雨我詩關奸雄爲

泄泉石怒

右桓公井

江上慈姥山地與蠓谷匹產竹製簫管清和中

音律伶倫去已遠叢生老岩窟採之獻明廷當

有鳳凰出

右慈姥竹

望夫夫不還貞心化爲石獨立天地間千年有

遺跡江草自春秋江聲自朝夕長對雙眉顰莫

盡相思臆

右望夫山

巨川滙牛渚下有淵靈宅絕壁俯層岩迴波自

撞激不見燃犀人空憶騎鯨客泊舟陟危亭蛾

睇望中碧

右牛渚磯

丁令辭遼東會向此山住
蘿洞曉雲白丹爐暮
煙紫猿嘯山寂寥鶴飛
渺何許擾擾塵世中
睇望空延佇

右靈墟山

大江自西來到此勢偏隘
天門常不扃爲放朝
宗派雙翠展蛾眉兩岸
堆螺黛欲問抱關人
風迅舟行邁

右天門山

安慶謁余忠宣公祠

高城枕江溼名山蟠大龍
巍巍國祠凜凜忠

義風公昔擢第日名聲已
泯泯字牧與持憲到
處蘓民痍迨茲鎮舒郡
適值元曆終賊騎四郊
合敵舟三面攻中流屹
砥柱欲障狂瀾東訓練
瘡痍民盡爲貔虎雄射
蛟斬鯨鯢躍馬凌煙虹
七年窮智畧百戰多殊
功豈徒淮海菽再期頽
運隆外援苦斷絕內儲
亦虛空孤城如片雪置
在洪爐中力竭繼亦死
全家俱徇忠更有偏裨
士感恩多委躬秣今清
水塘血染荷花紅大節
昭白日芳名耀蒼穹幸
逢聖明代追贈昭無窮

歷代詩選 明陽志 三
有司潔時祀應與睢陽同我來拜遺像企仰猶
華嵩題詩栢臺上感激撫素衷

青陽察院

停驂憇青陽夕雨暗林壑九華近不見雲氣杳
綿邈未遑陟幽勝歷歷詢民瘼中夜悵不舒紛
此懷抱惡山靈如好我欲爲一開拓清晨掃昏
霧宛若鈎簾幙放出九芙蓉森然羅碧落五老
俱拱立餘峯互參錯咫尺對臺署一一見頭角
飛流瀉玄厓朝霞曜丹嶠使我煩慮清王事亦

毋作如逢李謫仙招飲杜荀鶴飄飄凌太虛狂
吟振寥廓施張有至理匪耽山水樂

過彭澤懷陶靖節

彭澤徒江濱邑治已非古慨想靖節翁流風猶
可覩邈爾千載豪豈爲五斗取欲憇訪遺蹤官
船促雙舫

和錢內翰余阜感懷二首

篋衣存舊縫囊書餘手澤衣以飾遺躬書以勗
心德如何罔極恩杳杳世永隔北風吹雨淚不

到松楸側白雲飛悠揚望望豈終極

其二

睇此臺前竹令我連遐悲先人夙所愛亭構澤
水濬亭存親已逝風葉猶倚倚更有枝上烏哀
念堂北慈得祿不逮養鼎茵亦奚爲

遺安巢

龍虎昔戰鬪風塵天地昏皤皤釋畊叟赫赫刺
史軒邂逅相勉慰故有遺安言君今際昇平樂
志居田園積書千萬卷義方教兒孫庶幾騁康

莊而無傾覆轅所遺有如此何必同鹿門

見玉簪花感而作

茂葉敷晴風瓊葩濯秋露托根在霜臺詎有纖
塵汚舞影覆階墀飄香滿庭戶公餘散煩襟相
看望清素痛思玉堂兄當年寓竒趣花時會羣
英飲罷各有賦詞翰未淒涼人物已非故因之
重遐悲臨風淚如注

題青雲一騎卷送邵振聲會試春官

憶昨聯騎榕城東意氣相許相磨礱蒙恩叨乘

桓氏驄乘之愧未蘇民痾君家櫪上八尺駮骨
相豈與凡馬同鐵花連錢霧作驥霜蹄抹電珠
汗紅近逢百樂鑿別公七千雲路杳莫窮縹緲
迥與天門通彩絲簇轡光龍忝騰驤蹀躞追飄
風吳門一見氣若虹僕夫曉秣何匆匆青雲此
去推豪雄渥洼竒種皆避鋒解鞍剪拂趨瀛蓬
于時春色方融融九重宮闕切昊穹金銀閃爍
朝瞳瞳振鬣驕嘶達聖聰玉階牽過回重瞳賜
浴龍池絳帕籠直入第一天閑中回頭冀北羣

已空人言此騎真游龍待予復命蓬萊宮雲衢
並轡搖玲瓏共展逸足收竒功庶幾上答皇恩
隆

題葉繼武秋官墨竹

秋臺仙郎美如玉篔簹舊種金溪曲密疑曉雨
暗湘臯亂與春雲散淇澳邇來闔闔逞琅玕粉
署疑碧涵秋寒朝回愛此半窗綠何必江南千
萬竿翔鸞翥鳳舞旌節一榻清風無暑熱坐久
颯然塵慮消吟成頓覺襟懷潔我家潭邊萬玉

林別來霄漢歲華深披圖展玩運遙思與子歲
寒同此心

敬亭山

宣城城北際雄峙敬亭山鳥度空濛外雲飛紫
翠間古祠臨洞壑幽磴入松關李謝當年趣悠
悠不可攀

劉

過李白墓

自騎鯨背上星辰骨葬青山謝宅隣常有遊人
打碑刻時來野叟薦溪蘋荒祠林下棲精爽遺

韻人間泣鬼神欲爲脩垣禁樵牧殷勤停節語
鄉民

喬公故址

敗垣荒逕草茸茸云是喬公舊日蹤惟有雙溪
環碧玉猶疑二女照清容鏡臺夜掩淒涼月睂
黛春橫遠近峰回首吳宮亦如此何須弔古恨
重重

詩崖漱玉

詩客留題不記名模糊古刻讀難成陰陰崖石

封苔色滴滴溪泉作雨聲山月照來珠散亂林
風吹度玉琮琤望中便覺清人思何必臨流一
濯纓

天柱晴雪

天柱巍峩霄漢間四時飛雪不曾乾凌空禪塔
銀爲頂承露仙莖玉作盤影混晴雲同潔白色
疑華月倚高寒我來問俗過潛霍幾度前山攬
轡看

吳塘曉度

吳塘一帶綠盈盈柳外頻聞喚渡聲人立岸沙
天欲曙帆歸浦淑浪初平幾家籬落依桑柘千
頃陂田雜稻稭自古巨川須廣濟不知何處大
舟橫

丹竈蒼煙

左慈丹竈有遺蹤裊裊蒼煙出碧松岩際虹光
常不散空中鶴馭已難逢隨風飄影林巒暝映
日涵暉紫翠重幾度停驂訪靈異居人遙指最
高峰

高平言選
玄武湖

山勢周遭十里湖天開勝槩壯皇都畫船晴泛
鷗波濶玉鏡秋涵兔魄孤隔岸泉源通太液中
央樓閣類蓬壺隄邊駐馬看來久爲愛澄清絕
點污

無錫天印山

化工陶鑄幾年成形勢端然似印平組綬影留
河水繞篆文色借嶺霞明尚餘仙跡遺丹井長
捧祥雲拱帝城攬轡都門凝望久數行飛鳥暮

天清

大江

蒼茫西望渺無涯總是朝宗此地來蜀雪融添
春水漲楚帆飛送暮潮回四時蜃氣晴看雨兩
岸濤聲夜聽雷官渡經過殊可樂乘風衝破浪
花堆

白鷺洲

江畔芳洲水勢分洲前屬玉自成羣聯拳芳草
疑殘雪接羽平沙似斷雲鷗鳥伴中同皜皜漁

歌聲裏落紛紛滿懷詩景收難盡浩蕩煙波靄
夕曛

樂農卷

負郭生涯數畝田朝耕暮息興悠然門無胥吏
催租稅囊有兒孫趁社錢厨下晨炊翻白雪床
頭春釀瀉紅泉清時不是龐公隱鼓腹長歌大
有年

江山勝覽卷

維揚有客思飄飄歷覽山川不憚遙巫峽秋濤

雲夢雨吳門夜月浙江湖北瞻燕冀天應近西
渡噉函雪未消到處幽竒看不盡更收餘興入
詩瓢

呈裕齋兄兼示弟侄

一自離家將十秋庄山何日掃松楸封章乞得
天恩許便買春風潞水舟

題扇寄葉與中都憲時贊軍窾外

同年踪跡恨西東遠意聊將一筴風好似昔人
揮白羽坐令沙漠虜塵空

...

...

...

...

...

待灑

...

...



卷之二